

雜

劇

三

集

叔弟深入
釋那此文
從妙橋中
流出筆墨
俱化逆氣
高清潔思
雅韻特餘
技耳

空堂話雙調齊微韻不重押

叔介鄒兌金著

鍾奴上一泉一石伴清尊。博典當今未有倫。公道
世間惟歲月。春風次第到柴門。自家鍾奴與弟欽
奴同在張相公書房服役。俺相公半世磨成傲骨。
前生種下痴腸。說起古今書部部皆窺。偏空下眼。
前入股。隨他知名士。人人願友。只拘了場中主司。
生長在統袴叢中。具眼的却道他作人無長物。與
至把胡荻撒去。有識者却道是終日無鄙言。只因

不得意、整日只是醉酒、目今元旦、新正、尚自宿醒未醒、雖是門無雜賓、怕有相知、到書房閒話、我已焚香洗硯、整理旣梅、未知欽奴烹茶未曾、**欽奴上見介問介**、**欽茶**已烹就、只是一件、今早相公傳話、分付整治酒餚、又著我去請唐子畏、祝希哲兩位相公哥、你是曉得的、那唐相公已物故多時、就是祝相公也在京師會試、這是那裏說起、莫非昨晚過醉、今日還在那裏說醉話哩、**鍾**這也奇怪、作尋思、**介**我曉得了、俺相公醒的時節也說得是醉的。

醉的時節也說得是醒的常說道齊得醉醒便可。
一得生死又何論天涯海角。這兩人與他第一相
知。想是真個要請來一坐。你我須索小心祇應。欽。
正是這樣事在他人爲奇。在俺家又極平常了。只
是請又沒處請。又不好回他不在。只索看相公出
來行徑。相機而行。呀。說猶未了。相公早上。正末扮
張救上。情隨年少暗驚疑。賣與何人剩有痴。殘夢
不須愁未竟。留將一半待醒時。自家張救字幼于。
日來顛倒醉夢。不覺已是新正。今日邀子畏希哲。

兩人閑話、未知已來否、**欽**還沒有來、**末**哇、想是你去請遲了、不在家、**欽**面請的、說隨後便到、**末**既如此、**鍾**奴設酒伺候、**欽**奴隨我去、併拉張相公來、**鍾**奴應設席下、**末**作行介、出得門來、眼前光景、好生寥落也呵、

新水令

一天愁思亂鶯啼、借紅顏、去年殘醉、古今

橫短徑、來往間、踈籬布帽斜、**欽**芳草斷魂地、**欽**相

公前面高軒綵蓋、遠遠的來了、恐是相公認得的、

暫且迴避、**末**笑介、這箇那裏認得、

駐馬聽 暗裏鬚眉自許。曹劉識者。希鍾奴爲何街。

坊上靜悄悄。絕無一人。**鈇**相公說得好笑。這些喬

妝打扮。往來作揖的。不是人。是什麼。**末**這也難道。

眼前蝮志。任他蠅蟻漫相隨。**鈇**指介那邊像是張

相公家。**末**詩人恰在浣花溪。茅簷遠映修篁內。**鈇**

原來門閉在此。**叩門介**末門未啟。紅塵遠向堦前

避。**小生**扮張孝資上。**見介**張幼于請。**末**不消坐了。

恰纔約子畏希哲兩人在舍。兄可同過一談。張作

遲疑介。**末**呀。孝資疑兩兄不來麼。張笑介。**幼于**相

邀二兄必赴末如此就請同行行介張轉眼間又
覺春風吹鬢也

沉醉東風末雖則是迎青帝椒花欲蓋俺可有傲

東皇栢醞新醅吾輩當以天地爲室日與四海諸
公共處豈以形骸爲隔漫說道人琴此日亡還則
是臭味當年末張子畏此時敢已在齋頭了莽招
魂研北樓西張希哲來路較近些末圖得個萬里
關山手共攜冷淡煞雲鴻片鯉到介鋪上迎介唐
相公祝相公已先在書房飲酒了末張如此甚妙

作進見介作同坐介張我與兩兄許久不會也末
呀兩兄何日不會來。

鳳將雛雖然是面時稀。却不道醒在意氣緊相依。

當此新正。正當拍浮大白。以開笑口。共飲介末醇。

交醋友吾儕味。張子畏素不妄交。近日得無寥落。

末你不知。子畏與那楊馬李杜歐蘇諸公。日久過。

從也。大古裏傲骨難灰。恰正好斂吟魂。送落暉索。

強如長安道。思鱸膾。洛陽街。尋燕壘。滿飲一盃。爲。

希哲解嘲。共飲介張今日可稱良晤也。末情之所。

空堂話

鍾豈以吾輩反不如兒女乎。不見那桃花面映倩

女魂離。

末前日那段姬輦宜。鍾奴可速召來。爲諸

公侑酒。

錦應下

張子畏子畏。世間只有那烏紗是

硬幫幫的。黃金是燕突突的。未審子畏生天以後。

還是何如。

作聽介

末原來子畏一歸天上。是相都

無得此快論。爲下酒物。十斗不足多也。**共飲介**

掛玉鈎

末我只道那朝市紅塵沒馬蹄。到處人如

沸。却原來北郭青山碧水湄。別有箇清涼地。**作聽**

介兩兄若問起小弟近况呵。則這懶性兒趕不上

那白駒忙瘦腰兒支不過這人情碎。

張富貴如眼

中石火耳邊爆竹豈落豪杰胸中。只怕七尺易灰。寸心難死。不朽擔兒歇不下也。

作聽介末原來如

此快哉快哉滿飲大盃以澆壘塊痛飲介末儘仗

著醉鄉餘論猛可裏抹去玉樓題。

張文人嘔盡心

血不遇知己若非冥冥中把聰明懵懂一槩勾消

便十世百世還要化作杜鵑啼血哩。

鴈兒落末只爲那筆尖花未吐奇還恐怕腕中鬼

終成祟。像子畏還盡了筆墨債。比我三人好不道

遙自在也。那里有碎鐘琴流水。悲那里有泣和玉
荒山淚。如今世上痴人。占盡了痴福。幸得四大空
時。同此一番受用。共飲介。

得勝令 到不如長閉白雲扉。高捧住紫霞杯。有一

日揭起了翠微鄉。裏浮名障。椎碎了宛委山前慧
業碑。休疑。忽撒手騎鯨尾。羞提。任空梁落燕泥。小

旦扮段姬同鍾上。點點春愁落翠峯。當筵解語歷
吳儂。偏憐巫雨連天暗。朝暮銷魂向此中。妾身羶
宜。象張相公呼喚。不免進見咱。**鍾**適纔所言段姑

娘、半、記、者、段、理、會、得、作、進、見、介、末、顰、卿、何、以、來、得、
恁、遲、段、朝、來、懶、得、出、門、說、張、相、公、有、遠、客、強、應、來、
命、耳、張、這、妮、子、煞、是、可、人、也、末

沽美酒 末 則見他溜秋波一點痴。擎花朵朵千分媚。

可、正、是、纔、下、眉、稍、心、又、泥、諸、兄、共、舉、一、觴、醉、此、春、
色、共、飲、介、張、子、畏、還、記、得、少、年、豪、俠、否、作、聽、介、末、
正、是、正、是、風、流、未、墜、色、相、何、存、再、休、題、月、痕、花、蒂、
春、去、也、燕、鶯、期、段、聞、說、燕、趙、多、佳、人、敢、問、視、相、公、
那、燕、京、春、色、還、與、吳、門、一、樣、否、作、聽、介、末、原、來、如、

此、

太平令 若問起燕臺佳麗抵多少虛名下過眼空

迷。

段妾有兩箇知心姊妹。一在會稽古驛中。一在

孤山桃花影下。浼唐相公替妾稍個信兒。則看他寄春風柔腸互倚。酬夜月香魂逐隊。

張鞏卿奉兩

兄一觴奉酒介末休說那地非事非影非儘喚做

天涯同殢。**段**看那日影初斜。春光欲語與諸君庭

前開步一回何如。末這也使得作舉盃攜手行介

張勿于高情鞏卿逸致。此會非同等閑也。

賣花聲

末今日裏風塵滿眼尋知己非是那月粉

縈心傍玉肌看斜陽有恨映寒梅不論鬢眉中惱

只那風塵落拓中。大有人在。恨煞那紅顏無主。青

衫欲濕。張今日把酒臨風。不可不盡醉也。浪乾坤。

一盃相酌。作勸酒介。段夕陽那搭敢是祝相公旅

寓。

落梅風

末休問那燕吳路日幾迴恨蒼茫亂山凝

翠舉盃介則俺這設醴交情長似水讀罷離騷羸

得夢魂連袂。張古人云人生不得行胸臆雖活百

歲猶爲天。則今日與子畏也。差不遠也。

甜水令

末

猛提起骨化魂銷。髻枯腸斷。形憔悴。

到不如攜手夜臺歸。據小弟看起來。人生不得行。

胸臆。雖活一日。猶爲壽也。則今日決破離愁。消磨。

殘夢。支持新歲。吾輩宜如子畏多時矣。可不共慶。

一觴。

笑飲介

末

喜的是一笑玉山頽。

作醉介

雙鴛鴦煞尾

末

走天涯。何處把騷魂瘞。覓仙方無。

計把癡腸替。一任他繁華夢鶯聲喚起。黑漆漆夢。

中朝密排排皇家曆。急促促愁人晷。收拾夢花盟。

猜破雕蟲謎。舞介對東風舞。一回則他那桃花塲。

土一堆。指段介蒲東寺。難問崔。指空介鸚鵡洲誰。

姓禰。提破了生天後世因。懺過了綺語今生罪。張

幼于已醉。末醉。次第朝來第一。段我們亦從此告。

別末呀。諸君正未可別也。還待夢兒中剪燭話清。

宵。只要你向影好。窗西喚張救。作醉倒鍾扶下。張

問鍾介你相公此番醉得不善也。天色已晚。可覓

車兒送段姑娘回去。鍾車兒已在門首。還有一句

兒要問。恰纔飲酒還是幾人。張你道是幾人。鍾是

三人。張不是。鍾是五人。張也不是。段只好說是一人。張笑點頭介論起來古今才子。那一箇不在座。只是古今才子。原沒有兩副肚腸哩。鍾張相公說得最妙。

張潘鬢今春應有絲

鍾擬將一哭代新詩

段傷心別有竒懷抱

合欲向東風問柳枝下

蘇

園

翁

蘇園翁越調

孝若茅僧曇著

張丞相求賢弗早

正名

蘇園翁給使先逃

外扮張丞相冠服侍從上自家廣漢張浚字德遠的便是俺滿腔忠義多歷艱屯自羯胡犯關先帝有永嘉之幸移蹕錢塘某與趙鼎並作中興名相政好僂力皇家只爲每一出師卽爲一番小人所厄功輒垂成而敗某亦貶竄多年幸今主上潛邸

蘇園翁

升龍神武不測、毅然以恢復擔子、責于某身、君臣
魚水、復見今日、某以左僕射建督府幕于淮上、分
道進兵、無人協輔、只今朝廷名流宿望漸稀、那通
曉兵事的更少、只有俺鄉人蘇雲卿、一生堅忍、胸
中學識不凡、真管樂流亞也、若得他來、叅贊軍務、
勝那喻樛呂祉、何啻十倍、某自宦游契濶、無從踪
跡、故鄉近訪得他、避地豫章灌園東湖之上、適朝
廷新除本路漕帥、必來別我、俺且預備下棧書聘、
幣、叮囑他覷去物色者、分付轅門上、今日有新除

豫章漕帥來見，快引進來。衆應介末扮漕帥冠帶，上。只某新除豫章路漕帥，來叅謁張丞相門上人報進去者。衆報介外道有請，末入見。通名拜外，扶揖介。豫章名郡，得公爲本路漕帥，那上流軍需有托，可賀可賀。某更有一事相煩，某有同鄉人蘇雲卿，管樂流亞，遁跡湖海久矣，近始知他避地豫章，埋名晦跡，灌園東湖之上。此人高風偉節，非折簡能屈，俺已備下棧書聘幣，公須親造其廬，委曲達意，必求他翻然命駕，做俺幫手軍事。孔丞引領望

之矣。未接書幣，白介丞相爲國薦賢，舉爾所知。小官敢不夙將使命，勸駕出山。就此星夜去者。俱下生扮蘇園翁莊服上。只某廣漢蘇雲卿的便是。某因胡虜犯順，桑梓鼎沸，早棄了妻子，隻身避地豫章。灌園東湖之上，諱名而不諱姓。因此人皆呼俺爲蘇園翁。某喜的這一方風俗淳朴，地力肥饒，結廬獨居以來，日以藝植蔬果爲事。灌溉得法，四時昂無闕者。味視他園尤勝。俺又口不二價，市者利倍而售速。先期輸直，夜編草屨，堅韌過韋，易人爭

質之以故薪米不乏。衣食稍餘。某輒周急隣里。應
貸假者。償負聽之。不一經意。以此人無良賤老穉。
皆敬愛俺。俺于灌園之隙。閉門高臥。危坐終日。凡
天地消息之機。人事興衰之故。只靜中了了自得。
俺姑于此飾巾待盡。豈容露些鋒鏑。惹出魔境。自
討苦哩。只今夏氣已深。園果日盛。只索閉了園門。
自去把耒芸鋤。這園一會來。

有心開世
之誤

園鷓鴣 龍德初潛。確乎逐世。非咱養拙。耽間膜隔。
胞與也。只窺破機。關細籌。彼己熱腸。澆冷眼。覷須。

辦的堅忍。一生方好。把雄心捺住。你道俺這灌園老圃。可容易的麼。

紫花兒序 忙碌碌白駒過隙。鬧嚷嚷長安奕棋。只俺閒悠悠也自有農圃幹濟。只看這怒生草甲。那些非天和地德埋名在竹塢疎籬。怎同那鼓腹嬉農夫伴地。收拾經綸。擺脫拘繫。俺怎麼愛這東湖之上。甘消聲匿跡於此。

金焦葉 只俺七尺軀烟霞姿致。一蝸廬褐衣杖屨。倚東湖灌園活計。勤藝蒔也。只善相天機。笑介俺。

常有自詠詩云。消磨歲月荒園裏。收拾經綸一壑中。你道不通于天地。人三才之務。怎便做得個老農圃哩。

小桃紅 終朝抱甕井之湄。恒默窺生理。笑那空費桔槔機。心事香滿畦。嘉蔬鼠壤仍餘棄。只這紫萼綠葵。晚菘早韭。好教那士大夫偏嘗些菜羹味。只俺藝蔬掘藥。儻生服食也。自終歲不得閒哩。

踏陣馬 鋤麥已。灌蔬餘。尚把那墻陰菊杞壇前芝朮。藜荷蘅杜。搗實齧苗供服食。圖的願養壽齒。那

數他蒟醬桂蠹鹽鼓蓴絲。只俺日日循行圓圃。那
些非化機妙處來。

天淨紗 去草如去讒。夫養花如養賢。士須備的。四
時氣不聞的。邵平瓜美。有五色鉤連子母。俺每侵
晨起視萬物生意。皆是天地雨露滋培。那坡老月
中梳頭一歌。信合養生至理。只不可爲俗人道耳。

調笑令 生成不足處。扶輿待補苴。那碧鮮氣在五
更。挺拔露珠垂。俺每披蓑帶月手芸鋤。只看土焦
草凍青青圃。化工尚待俺栽培補。怎好小人哉便。

陋樊須。俺攝生功夫用那服食按摩哩。

秃厮兒

只這草木滋厭。飮膏腴。日月華吐納清氣。

高春爛飯摩腹起。晚當肉常坦步于于。你道俺還有甚事來。

聖藥王

窗日西。花影低。憑几燒香讀道書。喜的晚

梳頭。徐嚙息。耒耜之餘編草履。同革屨。散堅韌哩。贈遠輒相貽。俺以此箇生之餘。隨分周急隣里。却多有些深意在。人誰知者。

麻郎兒

四時中。只三伏毒熱最難消遣。只俺松陰

竹徑涼。怎當他鑠石流金氣。羨的是滿百錢下簾
卜肆學的是藏畫叉坡老慳嗇。

公倘若衣食稍餘。出羨鏹隨分周急。大都饑嗔飽
喜。皆鄉里譬如那沈麟士認屐還屐。償負那經意。
俺起早涼開這園門。儘著村裏人來買這蔬果者。
雜扮村老拄杖。二丑扮二村童持錢麥上。雜老與
生交揖介。蘇園翁好幾日不相會。今日俺有一貫
青蚨來問你買些蔬果者。生老翁請坐。這個容易。
二丑譚介。蘇園翁蘇老爹。俺們也有幾升車麥。是

瞞我父親倒瓶來的，只問你換些棗兒去嘗新來。
生笑介：這麥你是瞞父親偷來的了，我怎好接你
的？只許你自去棗下打些棗兒嘗新，只許喫不許
袖我。且先剖一個甘瓜與這老翁當茶消渴者。老
接瓜謝介。

東原樂

生

只這棗纂纂瓜，蘊蘊你年老村翁。且向

坡前坐看這些孩童每打棗去，權當個分餅餌。老
翁你想渴了，剖一片甘瓜休體。丑扯住生討瓜喫。
諱介：蘇園翁蘇老爹，你不要我牟麥白與我弄棗。

兒喫了再討一個瓜回家去。我明早准准打擔柴
納下你者。

絡絲娘

生只俺手織履買些薪米。那朱桃椎何須

藏身桶裏。那去婦王陽也多事。只我懶散少心計。
呵倒輸他阿戎鑽李。老典二童作謝介生。且喜早
打發這些父老兒童們去了。俺仍閉上園門。跌坐
一會者。

送遠行

非關筋力疲也。須靜養端倪。至人踵發深

深息何須五禽演戲。玉津常嚙華池。只俺危坐終

日那些琴心酒德都拋無事甲裏并那案上殘書
蔽目不窺却爲何來

綿搭絮

那窗書久不啟那膝琴懶去理支八尺折

足牀枕一拳桃花石先睡心好游那華胥國茫茫
錯走了邯鄲也那侯王僕妾任一覺黑甜餘生作

掩門打盹末扮漕帥便服上只俺領了張丞相命
來這東湖上物色蘇雲卿且權把書問聘幣交與
從人遠遠地伺候著俺只索便服閒行踏訪村裏
去來大哥大哥借問聲俺是個過路客問你這裏

有個高士蘇雲卿先生麼他家在那裏俺要見他
煩指引咱鬼門應介俺這裏並沒有甚麼蘇雲卿
只有灌園蘇翁他園門緊靠著東湖嘴上客官你
若要買他蔬果他總不出園門你自去叩門咱末
多謝了迤邐行來這湖嘴上園門半開俺竟進去
者蘇園翁請了生作打盹驚起揖介客官何來竟
入俺室早驚斷了俺一覺黃梁夢也

拙魯速 企北窗枕簟隨偶涼風蝶夢蓮何來客履
也只爲不捷雙屏須恕咱襤褸披衣只就這豈樵

陰處土銜竹。几啜茗。搢願。末起白多謝。園翁厚意。
只俺塵土面目。怎好相對你這冰雪仙姿。生。你要
盥濯鬚眉。早有那清冷數畝池。末。園翁。你的仙鄉
何處。怎只有姓。更無字號。敢是原曾仕版出身。你
埋名避跡于此麼。生。笑介。你只邂逅相逢。何須細
查俺出身脚色哩。

雪裏梅。荒村塢。斷人跡。聞足音。蹙然喜。上客好風
儀。只竟入忘賓主。又何須通姓氏。末。園翁。只你一
室。滿洒地無纖塵。案上一部班史。你還比那二疎

兩龔高一籌哩。生笑客官說那裏話來。將俺高比古人。

古竹馬

你道地無纖塵掃除一室。案置班史俺總

蔽目不窺少識字畧曉些扶犁把耒量晴較雨休
比他比他帶經鋤麥負薪行歌歌鳳衰趨風狂接
興有心哉擊磬荷蕢

末園翁你畢竟本貫何處甚

因緣久在此

前腔

生家世幾忘依稀記廣漢舊里偶趁著綠僑

寓東湖灌園久矣並無姬媵與童豎非是俺富貴

浮雲。做屣妻子。總是拙者之効。亦偶然爾。末園翁
只你本貫是廣漢人。那張德遠先生。既是同鄉。可
曾識其人否。生笑介既同鄉。怎不識。

鄆川春

那張德遠當年接開居。曾識其人非凡輩。

你何須慕孜孜。問喋喋。關雎行藏甚處。末那張德

遠。朝廷只靠這人擔這恢復擔子。園翁。你道他是
何如人。可了得這事麼。生笑介那張德遠賢者也。
却德有餘才不足。據俺所見。恐怕他未便了得在。
肩兒 大都才不足。德有餘。少些的是知人神識。

他只于同臭味的君子流投膠漆。那伏弩張戈的
小人每踈準備。那些智深勇沉。帶些露才揚己。末
園翁你評品他都切當。只今朝廷更無人物。那恢
復鐵擔子。不得不靠他一個挑著哩。生笑介。他今
爲何官。怎便這個擔子。教他一人挑來。

酒旗兒 自海上敗盟來。領厦無人。在綠立國少規
模。這議論羹沸。淆了國是。譬如衝風駭浪。全靠的
把柁力。那些心閒手敏。寧靜顛一。這韜世量。非可
等閒試。末園翁。只他蓋世高名。望重山斗。你斷

了手不得這病痛在那處哩。生笑介客官你道他
那些破綻被俺覷破他一生只明于知君子暗于
知小人天下君子少小人多那個是他幫手哩。

背山口

這話不該提閒評騰閒評騰誰堪任這擔

兒那有天下事果難爲只立朝端握魁柄不動聲
色誰窺伺那小人伎倆在那些慣詐敗佯輸使的
拖刀計他眠裏夢裏望個人肩心膂陷穽怎教知
那一片殺機只天道常勝後起那同心的未嘗把
陣勢厚集當勁敵怎好兩甄設拒交馳只怕轍亂

旗靡。這擔兒未便了得。未園翁你這些高論，句句破的，識見驚人。又是同鄉，怎不去幫他一籌哩？

生

笑介客官，你怎教俺舍己田芸人田，爲那些來。

蔡兒令

只俺與他踈聞問，聯聲氣。他不露手翻落。

便宜。他若要擊楫澄清，恢復雪耻，熱血灑虛脾。只

怕的手脚忙。中流失維，輔車單羊，腸先躓。未園翁，

你知他有個兒子，當今大儒人，稱爲張南軒先生。

也常在軍中幫他父親麼？生笑介他兒子張南軒，

俺也曾見來，雖爲當今鉅儒，那些行軍制勝出奇。

恐非所長。那張德遠既不比得范希文。只他兒子張南軒又怎比得范純粹。在軍中鈞深摘遠。盡得士情哩。他兒子號大儒。佐軍中。怎及得范純粹。俺雖是他故人。咦。那裏討醉人扶醉。末起揖介園翁在上。非俺斗膽冒突。俺實是豫章本路漕帥。出京時親奉了張丞相鈞旨。說先生是當今一人。管樂流亞。又道先生高風亮節。非折簡所能招。著某親賫書幣。潛造玄廬。張丞相多多拜上先生。當今時事孔亟。怎好懷寶迷邦。萬望啟書納幣。早命中車。

下官屏息以俟。生驚起介。原來足下是本路漕帥大人。失瞻了。只俺雖姓蘇。却不是蘇雲卿。張丞相這書幣。敢是錯投了。

黃喬薇

呀。只你使星臨益部。聘幣到蒿廬。多敢是

錯認顏闔。被披釣羊裘相誤。末拱謝介。先生不必

深諱。請領下這書聘。只今日夙備車馬。請早上道者。生作鼻中有聲自悔介。只此愈見得張德遠不知人了。

慶元貞

果是那張德遠不識時務。尋幫手到俺支

離遺笑柄虛他聘幣。末當今非張丞相不能在此
事非蘇先生不能了此事。怎好再推讓來。生待明
早啟棧書纔好問巾車。末既蒙先生鼎諾。下官暫
告退。明早准祇候者。

三合印

生只看這一草亭。怎比得三詔洞。要咱脫

芟服荷衣怕帝座昏。中台圯連映著少微。你枉微
行。把天書降紫泥。只纔一番閒論。呵好似松陰下
子一局棋。俺只索袖手旁觀。早慚愧棋邊不語。漕
帥別下生歎介。哎俺怎麼眼不識人口多。虛論早

被那人逗漏出來。政四十二州鐵。怎鑄得這番錯也。

耍三台

須知這番逗漏。怎好的嗔伊怨伊。只爲咱

淺見識。露了褒譏。少隄防。涉了朝市。是非。那張幕
府。怎好輕搭配。只蘇園翁。須別徙一窠兒。你看我
脫金鈎。向清波擺尾。投淵深處空設餌。黃鵠翻然
舉。弋人何慕。只索將半畝宮和果園瓜圃。當個托
宿蘧廬。盼破甑何益。怎肯駝腰曲脊。俛相吏執手
板。府中趨。寧可學申屠抱石。不到的劍頭舐蜜。只

俺來這東湖政住得好，却早要撒手去也。

梅花引

可惜的一片東湖烟水奇。三徑荒蕪誰杖

藜。免誦的北山移。我似御風鄭圃。怎留的赤玉舄。只俺此去，怎好攜帶一些家具。那處不藏埋了俺蘇雲卿來。

看花回

蟬蛻去。不移家具。他若重來至。這書幣原

留几。古人也有蒙莊辭那楚使。爲掉尾牛。爲被繡犧。那些扶顛持危。忘了交情友誼。只俺豈真無意于世。那黃真長評桓宣武伐蜀必成功。曾說道。只

看他樛蒲不決勝則不爲今日必勝策在那些好
輕雷手哩。

南鄉子

俺豈比杜櫟一無宜。非斯人徒吾誰與。只

出手乘時貴中機歸歟早落得天半殘霞恣卷舒。
歎介只俺一生堅忍從此翻然逝矣。

尾聲

只爲識時豪俊難輕許。拈敗網補非易俺也。

偷搵著一掬英雄淚。只免得個楊朱泣路歧。竟下

末冠帶從人車馬上。今日蘇園翁許俺上道好去。

東湖上走一遭。作見閉門驚介呀。怎麼鎖著園門。

隣舍家借問一聲、那蘇園翁那裏去了、**鬼門應**蘇
園翁昨日不知甚人來與他扳話、那客人去了、他
獨自唧噥了一夜、今早起來、不見影哩、**末**作驚訝
介、園翁園翁、只你黃鵠舉矣、著俺如何回覆丞相、
侍從的、且打開這門去看來、**衆應介**呀、怎的家具
一些不移、書幣端然在几、尚不會啟封哩、好個真
隱高士、只索早回覆丞相去者、**末**下外上自家張
德遠、自附書請帥去、敦請東湖蘇雲卿、早晚敢待
到也、門上人祇候咱、**末**上見介、下官豫章漕帥、回

覆丞相自領了鈞旨、微行竟日、方至東湖、問那方人、只曉得蘇園翁、不曉得蘇雲卿、下官啓扉而入、見他地無纖塵、案有班史、心知是他、且不說出他、亦了、無主客酬酢、久之、暇茗談治、宛宛問他籍貫、說是廣漢、下官方將出、丞相書幣、他大驚訝、鼻息拂然、給俺明日就道、次早備車馬而去、只見扇著園門、破扉而入、室中器具不移、書幣儼然在几、如蟬蛻殼、世間有這等高人、下官不覺悚然自失、嗟歎累日、覺世味如嚼蠟矣、

外驚歎介、
哎、此舉是俺

張浚之過、既知其人、求之不早、竊位堪羞、左右的、快擺下香案、俺望南遙拜他咱、外叩首起介、漕帥、空勞你費心這一番也、只是朝廷少福、俺作一箴、置之座右、聊識慚愧而已、箴曰、雲卿風節、高于傅霖、余期與之、共濟當今、山潛水沓、邈不可尋、弗力弗早、余罪曷鍼、俱下

素

色

肌

秦廷筑雙調

孝若茅僧曇著

正名
易水歌羽聲送友
咸陽殿鉛筑報讐

第一折

第一段幽
嗣蒼涼情
深一往第
二段嶽嶽
歷落曲寫
無聊第三
段如風起
水湧虎嘯

外扮荆卿緝服帶劍上只俺衛人荆卿便是自蒙
田光先生舉俺于燕太子要俺成件大事不免受
其供養隆禮前日雖以義激樊於期討下他自刎
首級又準備獻秦皇的督亢地圖只俺須待所期

狹帝使覽
者萬感交
集但覺高
歌有鬼神

看及奇

客至、做個幫手、不意太子見秦兵日下、慌不能待、
反疑俺有變計、俺只得請決而行、期以一死報太
子、政不敢負田光先生于地下耳、
謀事在人、成事在天、俺也顧慮不得許多、
十全了、遠遠望見一簇車馬、皆白衣冠而來、想爲俺餞行的哩、
小生扮燕太子生扮高漸離末扮朱意皆白衣冠二旦扮官
女綵服侍從上、
太子三人與荆卿相揖介、俺們今日來送先生、
所謂生當長別離、死爲長不歸、故皆
白衣而來、只這易水界河、且下馬藉地爲先生把

蓋但願的吉祥如意者外。這生死亦細故耳。何勞太子及諸公鄭重送行哩。

新水令

只這蕭蕭易水晚風寒。望滹沱奔流如箭。

提匕首入咸關。殺身易中機難。俺也只心許一言。怎便白日有虹霓貫。生某等一般同受太子知遇。獨以此樁大事。靠著荆卿身上。某等碌碌自愧。只此行你好奮發在心。俺們且擊筑爲羽聲。以壯你行色者。外笑介。這是俺自家事。不煩叮嚀了。

駭馬聽

只看俺繡袷單衫。豐血刀懸。未曾把行囊

三
二
盼何須你每尊疊歌串。更箜篌笙筑。在馬前彈。那
燔妻子敢只爲氣力單。那吞炭啞難算。做英雄漢。
只爲俺故人呵先。刎頸早辦。個升車不顧髮衝冠。
太子俺們叩心自有淚。不敢向君彈。只索變徵激
羽。以寫哀怨。再把先生一杯。就此拜別哩。

沉醉東風

外

高兄。只你久知我心者。諾燕丹期難

再緩報田光。淚怎空彈。那虎狼秦誰掛在眼。羽聲
罷。拍拍征鞍。霎時判日近長安遠。如將我齒髮還。
好葬在要離塚畔。丑扮秦舞陽衝上只俺整備頭

口、拴定行李、良時吉日、趁早好行、你每滿座皆白
衣冠、却爲何來、荆先生、只索辭了太子衆位、俺們
且趕程途者、俱下

第二折

生扮高漸離、敝服上、只俺自易水擊筑、送了荆卿、
不意他只望生劫秦皇、遂摘銅柱不中、只辦得個
箕踞倚柱而笑、自此秦兵日下、燕社已亡、俺們一
班、何難以死殉太子、且留俺後死的一身在、或者、
逢個機會尚好、爲九原故人補未了事、只得隱忍

畏約、備身在宋子縣主人家、賃春力作、權捱日子、不知甚時是俺了事出頭的日子哩、

步步嬌轉盼的死別與生離。挫抹倒男兒氣。空歎息。只俺後死身。報故知在那日。只枕著擊筑囊和

衣睡。

末扮主人及客二人丑扮擊筑伶人仝上末

只俺宋子縣一個大戶。這好天氣。邀著親友們。擺些隨便酒食。恰有個擊筑的伶人。叫他彈唱一會。爲俺們把盞哩。丑擊筑介

夜 小生爲甚的杯盤狼藉。喜孜孜倚東廂。道有

個擊筑人兒至。可是那鼓缶吹篴。又非是刻羽變徵。敢只是帶邪聲。譜兒錯記。**丑**稟爺俺政在這裏。調絃撥筑。兵兵崩崩。彈得有興。怎麼有甚人在外。批點咱們哩。**末**不要管他。你且用心自彈唱著。

銀漢浮槎

生

由你撚斷了手中絲。膠澁了絃中柱。

那裏是纍纍貫珠的。如怨慕。休亂築十三絃。倒了恁錢樹子。**丑**只你這等批點咱。敢你也會撈一兩調麼。**生**你想靠著手中本領。就來降著俺麼。尙早哩。**末**莫非你那後生。也素習此伎。願聞一曲者。**生**

秦廷筑

四

這也使得、列位污耳了、擊筑介只俺太生疎也。手
器非相習、要還他抑墜、卸了銀指似駿馬駕笨車。
全無些駿氣。衆那生果彈得好、天淵不全哩。生這
筑不中用、俺自有用慣的本領、在行囊內、且去取
來、爲諸公取笑一回。咱生向鬼門換淡黃方袍紫
綸巾、手執筑上。衆驚介這是那裏說起、此生器字
軒昂、冠服瀟灑、是那等人物、一向肯屈抑在俺門
下哩、快請上堂、坐個頭席、細細請教咱。生諸公請
了、非是俺不勝、伎癢、政是逢場作戲、休得要太認

真了擊筑介

五供養理舊裝。整鬚眉。這本領。恁休輕覷。洗淨了。
箏。笛。耳。試聽。咱。裂石穿雲意。悠揚的。輕風飛絮。激。
昂的。金戈鐵騎。更有那繁絃急節。似千萬點催花。
雨。可敵那射頭鵝。妙手叫入雲兒。衆驚介。只先生
起手這一會。便驚得毛骨悚。豎願再請教咱。生擊

筑介

月下海棠

生

俺只似伍子胥吹簫。吳市休比他蘭。
相如鼓瑟澗池。你休驚俺魚服白龍危。當得個遭。

折脅范睢在廁。俺喜的是劈篋篋。只索再彈一會。
么。只這肩圓項細敲的竹尺。賽過那漁陽搥淵淵。
出金石。借這些指撥發舒俺千萬種牢騷處。多應。
是被宮聲往而不返。誤虛脾。衆先生你越彈越快。
絕非人間之音。只聞得燕太子宮中有個高漸離。
先生能爲變徵之聲。聞者皆髮上指冠。敢就是先。
生哩。生笑介。你也只考其音。不必究其人了。

撥不斷。試想那懷中筑。兩手提。怎比那過行雲。雍。
門涕泗。只索按弔湘纍離騷章句。捺不住酒人場。

衝冠裂眦。只苦那椎兒乏力。衆驚起介。先生你休怪俺們。肉眼不識天人哩。只聞得秦皇方搜捕諸侯賓客。你也須索善藏其用咱。生笑介。俺可是怕那秦皇勢威的人麼。

落梅風。可知道六王畢。四海一。早是孟嘗客散。秋風裏。那酒人燕市。知何處。夢魂兒怎忘得。那蕭蕭易水。生不別竟下。衆弔塲介。俺們宋子小縣。怎麼好。久藏那人。只索早些各尋方便咱。俱下。

第三折

丑扮蒙嘉上、只俺中庶子蒙嘉的便是、自那年燕
荆卿投俺、引見秦皇、只道是獻樊於期首級、與那
督亢地圖、那裏惟他是行刺客的勾當、幸得吾皇
福大、先自截裙引起、那荆卿摘銅柱不中、只索環
柱而走、却也身中八創、尚能倚柱而笑、殿下的人、
只得手搏荆卿、秦皇大怒、趨兵滅燕、盡逐太子丹
之客、怎麼近日自宋子縣傳來、一個善擊筑的、說
是荆卿之友高漸離哩、秦皇惜其絕藝、赦而不誅、
令人先薰矐其雙目、料他失明的人、無甚行歹的、

伎倆、著俺引他上殿、要細聽他擊筑哩、秦皇取次
升帳、只索伺候咱、淨扮秦皇宮效力士多人、擁從
上、自朕併了六國、盡銷天下兵器、又盡徙那諸侯
王後宮子女、充置俺阿房宮、朕雖每日價衡石程
書、留心章疏、却也抽冗乞閒、愛聽音樂、怡悅精神、
久聞的燕太子座上客、有個高漸離、擊筑妙伎、入
神、不可不一聽哩、那班賓客、久已灰滅、朕又使人
先曬其目、只使他抱著樂器、做朕左右一個瞽目
伶人、料他怎敢尚懷著惡心哩、昨日分付蒙嘉、著

引他來、其人何在、丑叩頭介、臣中庶子蒙嘉叩頭、
昨蒙聖旨、著臣引那矐目的擊筑高漸離、在宮門
外伺候咱、淨恰喜今日、雖偶萬機稍暇、且引他上
殿來者、衆應介、生扮高漸離、便服抱筑殿前、力七
扶掖上、臣燕人擊筑的高漸離叩頭、淨只你就是
高漸離麼、朕只爲你身負絕藝、特赦你死罪、做朕
左右親近伶人、你雖失明、本領尚在你、且放下驚
疑、爲朕用心彈拍來者、生又叩頭介、多謝皇上不
殺之恩、敢不竭力承應咱、只俺廢疾之餘、驚悸未

定、望、皇、上、賜、臣、無、畏、飲、臣、清、酒、三、升、方、可、壯、些、氣、
色、這、些、本、領、哩、淨笑介這也說得有理、左右的、先、
引、這、擊、筑、人、下、殿、在、永、巷、內、與、他、飲、了、清、酒、三、升、
助、些、膽、氣、方、來、上、殿、彈、拍、者、生叩頭介謝恩、萬歲、
萬、萬、歲、左右引下走走、打、這、殿、級、下、扶、你、去、永、巷、
內、飲、酒、哩、御、酒、在、此、你、自、斟、自、飲、咱、生笑介只、俺、
今、日、先、飲、了、秦、皇、御、酒、也、

萬花方 想這是碎玉金溝漲膩流渭口多分

是阿房永巷近長楸。只這霧橫烟收衝斷宮車處。

似雷霆碾開欄雷。可惜俺只能聞不能見哩。綠雲擾擾妝樓。焚椒蘭鋪滿在蓮花碧甃。左右催介先生。你且飲酒少開管哩。

雁兒落 生有的御酒瀉金甌。只少捧個纖纖手。比

那碣石宮祝千秋玉美人擎盞差些候。**生**俺想著那和歌燕市。倘若無人。今日的酒好不中吃哩。

德勝令 只這尊中綠蟻浮。那裏敢腰下漉吳鉤。這壺漿可是些讎人血。這飲器權當個月氏頭。堪羞那燕市酒人都落後。甌澠今日裏怎與那車騶們。

來獻酬。殿上傳呼介。那飲酒的去好一會。快快扶他上殿。萬歲爺等著哩。左右扶生上介。淨你既飲了這酒。壯了氣色。且用心彈拍來。左右的。可賜他一個矮繡墩。坐了好彈者。生擊筑介。

水仙子 生。君王萬歲奠神州。宇宙天開這昇平候。少甚麼雲門搏拊調絲肉。尚要師涓濮水上鼓篋。後這官商曲急促沉浮。全不似平生手。可是蠻夷北鄙囚。怕近垂旒。淨笑介。你也不必畏縮。放着膽好彈拍。左右的。與他移那繡墩近前來些者。生擊

叙述又與
前異

筑介

大德歌

生試彈這大石調古涼州似滿天風雨愁

白日蛟龍鬪又似那猛鷓鴣怒翻鞦淒淒切切崩

崖溜一會價凜如秋淨悲介朕聽得音樂多了怎

麼那人只一會彈不覺使朕悲涼欲絕却爲何來

宮婢們跪白介只俺一班奴婢們也不覺盡涕泗

又關一境

橫流哩淨你好換拍再彈者生擊筑介

鎮江廻生一會彈來一會幽似玉連鎖慢撚重搗

引人悲在那廂兒泊湊三峽瞿塘水倒流秦皇呵

你。可。肯。輕。擊。缶。申。和。咱。連。環。玉。扣。淨。笑。介。這。也。說。
得。有。理。你。每。官。娥。們。可。各。動。著。樂。申。和。那。人。筑。聲。
者。官。娥。應。下。各。作。樂。生。擊。筑。介。

殿前歌

生。這。梧。官。秋。高。彈。改。拍。似。鯨。魚。吼。促。節。摧。

搥。飛。霜。驟。滿。耳。颼。颼。瑤。池。黃。竹。謳。秦。女。卷。衣。曲。別。
有。那。樂。職。中。和。奏。可。比。的。龍。游。紫。海。鶴。叫。滄。洲。淨。
笑。介。這。會。又。彈。得。和。平。悅。懌。使。人。欣。暢。哩。你。再。彈。

咱。生。擊。筑。介。

又。爾。一。境。

滴滴金

生。這。女。郎。們。分。明。的。天。樂。鳴。球。多。是。些。優。

伶班首。琳瑯宮秀。只俺這拙手。配香喉。那裏覓鹿女。嬰。吻。鶯。雛。澆。瀏。琪。花。錯。繡。半。空。裏。夫。矯。翠。雲。蚪。淨笑介。你又會。越著官娥。作嬌鶯乳燕之調。轉好聽哩。再近前。用心彈咱。生擊筑介。

又闌一境

折桂令

生又有個穆天子八駿神遊。怎捨了金牀。

玉几又想那閨苑。崑丘天地悠悠。潼醜白鵠。駕紉青牛。別有雲璈。鳳管。怎數那楚舞齊謳。自古那有似俺的一統羸秦。六王鐘簏。盡徙龍舟。淨笑介。妙妙。你又將那周家穆滿。來比朕躬。朕較比他還勝。

又開一境

過一籌哩。生擊筑介。

那玉鈎序

生

只樂盡。早悲來。挽不住。銅壺漏。又有。

石馬陰風。荆棘銅駝。那麋鹿。早在姑蘇臺上走儘。
着人帶劍上吾丘。休休。那些金玉盃。黃腸湊。怕的。
是野火燒。竟没人收歌。舞臺更倩誰來守。不見的。
章華宮。細腰垂柳。一樣悲秋。淨又悲介。這一會彈。
越好。悽愴。使朕得從真人游。乞不死藥。視棄萬乘。
直做屍耳。生擊筑介。

木間怨

生

這六國呵。那一朝不道寡稱孤。那一國。

秦廷筑

無通侯上首。只今灰飛烟滅。一蜉蝣尚要去海中。
鞭石和天神。鬪澠池壁。可曾留且試。俺博浪推先。
著手縱有那白玉枕笑亦空投。生一手扯淨衣。一
手舉鉛筑亂撲介。淨大叫介。不好了。被這厮置鉛
筑中。撲中了朕一脚。好生築腹傷脰哩。左右可快
拿下這奸賊者。眾搶上生喝介。咄。你這些要命的。
休得輕動手哩。

小將甲

我似那商微子抱器歸周。又不是專諸炙

魚爲壽。怎便手搏著雙盲叟。這些筑中鉛。那便築

廣傷脰。淨笑介快綁下者。你敢是爲那荆卿報讐。
哩。生笑介却。不道來。只我又做了第二籌。見不了。
漢也。

太清歌帶尾聲

非是俺魯勾踐傳來劍術。想只

是你莽秦皇福氣厚。我只將報命九原交。比個程
嬰杵曰。怎料又悶在提琴撞壁的師曠。後可是爲
生劫秦皇也。錯了一籌。我恨不得生扭住輕羅衫
袖。今番呵。你超了八尺屏風。再休遶柱的走。衆拿
下淨歎介朕也不惟太子丹如此得人心。這厮雙

目失明、卻爲何來、這也好算得個千古義士哩、卽
著蒙嘉傳旨丞相府、自今盡逐諸侯之客、不許留
一人在函谷關內哩、俱下